



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem& perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

Punctum Tertium Circa passiones, perturbationes, tentationes,
affectiones.

[urn:nbn:de:hbz:466:1-54750](#)

videtur esse propinquior. Evidem hoc cul-
pandum non est, sed ut §. 13. n. 8. monui, ma-
gna hic s̄ep̄ intercurrit deceptio, & virtus esse
putatur, quod est vitium, vel saltem actus me-
rē naturalis omni æternâ destitutus mercede. 3.
Demum quæ media, & quo fructu huic illi vir-
tuti acquirendæ sint adhibita.

PUNCTUM TERTIUM

*Circa passiones, perturbationes, tentatio-
nes, affectiones.*

IN hac materia non oportet esse rudem, & ex-
tuis ad varia quæstra responsonibus Su-
perior facilè colliget, an tyro vel Magister aut ex-
ercitatus sis in arte ac studio Ascetico. Pro in-
structione serviunt sequentia.

1. *Passiones* vel *motus* utriusque appetitus in-
ferioris sic dictæ sunt, quod vi suâ pati faciant
partem superiorem, aut nunquam sìne motio-
ne partis inferioris excitentur. 2. *Perturbatio-
nes* vocantur, cùm vehementiâ suâ turbant ra-
tionem, ut non possit de honesto ritè & ex-
equo, durante hoc æstu, judicare. 3. *Ten-
tationes* dicuntur, quando iis se dæmon immi-
scet. 4. *Affectus* vel *affectiones* dicuntur, quan-
do voluntas vi tentationis aut passionis se mo-
ventis præoccupata aut persuasa ex motu primo
primo vel actiones eadem, vel similes appeti-
tui inferiori elicit, sive à propensione natura-
veniant, sive ab extrinseca occasione. Jam ad
quæ-

quæstionem, an sentiat quis animi *perturbationes* aut *tentationes molestas*, considerandum 1^{mo}, an sentiat quis talia, ita ut animi quiete non fruatur; an difficulter resistat, à quibus gravius & saepius impugnetur, aut in peccatum trahatur, an & quomodo resistat, vel quibus utatur mediis, aut an econtrà paulatim det vietas manus, in eoque appareat fuga laboris ad certandum in contrarium, languor animi, debilitas spiritus, & quoad damna ac pericula, ejusmodi debilitatis ac languoris, insensibilitas quædam summoperè periculosa. Porrò experientiâ propriâ vel alienâ, si diutiùs Pater aut Dux fuisti spiritualis ejusmodi tentatorum, diceris; graviores *tentationes*, *perturbationes*, *affectiones* ortum ducere aut roborari primo ex innata superbia. 2^{do} ex vario inordinato amore, iracundia, odiove erga alios, vel demum 3^{ti} ex melancolia aut hypocondria ingenita.

1^{mo}, Innata superbia gignit amorem excellentiæ & honoris; unde, si quis minùs excellat, exoritur impatientia, tristitia, animi defectio, invidia, &c. quæ sanè multùm turbare possunt hominem; si autem excellat, séque ob talenta scientias æstimari videat, oritur contemptus aliorum, tumor mentis, qui in causa est, quò minùs mansuetè ac benignè quis agat cum inferioribus, sociabiliter ac fraternè cum æqualibus, reverenter & submissè cum Superioribus, & acerbo animo eoram monita aut reprehensiones excipiat, multùmque indigneatur, si sibi utpote, si Superis placet, viro tan-

to hæc illa denegentur. Hæc lucta interior
sæpè stravit viam ad varia peccata, imò & apo-
stasiam.

2dō, Innatus autem acquisitus amor inordina-
tus est varius, v. g. *imò* nimius amor corporis
ac carnis propriæ, ejusque commoditatum.
Hinc queruntur sæpè non satis honestè pecu-
niæ, & si commoditates in cibo, potu, vestitu,
aut varia in cubiculis supellestile sensualitati
subservientia negentur, oriuntur querela,
murmura, aversiones animi, dissidentiae erga
Superiores. *2dō*, nimius amor occupationum
exteriorum, quæ non sunt juxta institutum &
vocationem tuam. Unde mens non inhibita
effunditur in loquacitatem, curiositatem, nu-
gas, jocos, vanitates, &c. Huic affinis est
amor libertatis nimiae, cuius signa sunt, si quis
horreat exactam disciplinæ religiosæ in loquen-
do, agendo, conversando observationem, ad
vitam laxiorem [regulas & spiritualia negli-
gendo] aspiret, paupertatem & humilitatem
molestè ferat, fastidiat fratum simplicium, aut
regulas ad amissim observantium consuetudi-
nem, negotiis vel externorum, vel se non con-
cernentibus libenter se immisceat, desiderium
nimium cum externis agendi foveat, sentiatque
que inquietudinem, cum ab eorum consuetu-
dine abstinentum est. *3tiō*, amor inordinatus
erga consanguineos Patriotas. Unde pro-
niunt inquietudines, amicitiae particulares, ob-
locutiones, abalienationes ab aliis, conspira-
tiones & conventicula noxia, quæ integrum
pal-

passionum variorūmque malorum possunt alere exercitum. 4tō demum amor inordinatus erga alios maximē juvenes ob pulchritudinem, munera, ingenium, affabilitatem, aliāque naturæ dona, & sympathicas qualitates. Hic sensualis amor sāpē fit carnalis, & inadvertenter se insinuans, & per amarosos aspectus, manuum compressiones, etiam amplexus & oscula se corroborans, itā paulatim corda agglutinat, ut in absentia amati inquietus sis continuò desiderans ejus frui præsentia, & in hac non tantūm pecces contra regulas religiosæ modestiæ, contentus hæc illa non esse peccata mortalia; sed etiam per continuam amoris reciproci provocationem uno quasi impetu sāpē in lethalem noxam prolapsurus sis, nec liber unquam eris inordinatis animi corporisque motibus, inquietis cordis affectionibus, gravi interiori luctâ [cùm conscientia stimulet, divinæ inspirations urgeant, ut hæc vincula disrumpas, & Deo cor ab omni inordinato affectu vacuum offeras] quām discas modum amori erga homines pone-re, &, quidquid inordinatum est, eliminare per examen particulare, accuratam sensum, quæ allicere possunt, custodiam, iteratas, eásque solidas animi recollectiones, ac in Deum velut unicum & summum Bonum omni unicè amore dignissimum elevationes, pœnitentiæque pro expiandis etiam lævioribus nævis opera.

3tō, Sicut jam amor erga quæcunque inordinatus varias passiones mover, perturbationes,

ten-

tentationes, inquietudines, & mala causat in
objecto prosequendo, ita in aversando innata
iracundiæ passio, odium erga eos, contra quos
antipathiam sentis, vel qui te tuosque offendere
runt, summopere te quoque conturbare pos-
sunt, & ad varia inducere mala. Prætexis qui-
dem complexionis diversitatem, inurbanos, im-
politos mores, fraudulentum alterius genium,
& justam, quam erga eum habes, aversionem;
interim debita & consueta caritatis fraternali of-
ficia negligis, amaritudinem animi foves & au-
ges indies, & si hic par pari referat, animosi-
tates inde enascuntur, quæ & te & ipsum magis
magisque occæcabunt, ut cæco cæcum ducen-
te ambo cadatis in foveam. Sub initium securis
radici applicanda, sicut omni inordinato affe-
ctui, ita & omni inordinatæ aversioni, ne dia-
bolus, in omnem animæ tuæ perniciem sive in
objecto prosequendo, sive aversando intentus
se immisceat, majores motus ciat, & vitiis
duo verè diabolica, iram scilicet & superbiam,
quod coram altero te humiliare nolis, magis
magisque in animo tuo implantet. Hinc si pec-
casti ex subito impetu, Sol non occumbat super
iracundiam tuam, pete à Deo & proximo ac
confratre tuo veniam; in actibus, ad quos à
natura propendes, contrariis te sèpè exerce,
& vince te ipsum amore Dei, amore tui, amo-
re proximi pretioso Christi sanguine redempti.
Difficultas, quam sub initium sentis, magis
magisque per frequens exercitium attenuabitur,

&

& sic ex passione non exurget vehementer tentatio,
aut perturbatio.

4to, Varias perturbationes temptationesque provocat innata melancoliae aut hypocondriae passio, & ex hac decumbentes infirmitate perito indigent animarum medico. Talis enim genii homines scrupulis, anxietatibus, animi & conscientiae angustiis valde obnoxii sunt, quos ulterius inquietat diabolus; & sive in materia blasphemiae, sive impunitatis, sive ad pusillanimitatem, deferendam vocationem, aut aliud quodcunque scelus instigentur, vivacioribus ac molestioribus praeceteris phantasiis obruuntur, quae certè ita rationem occaecant, ut, quid consilii capiendum sit, nesciant, & ita animum omnino despondeant desperationi proximi. His satis inculcari non potest tritum illud:

*Principiis obſta, ſerò medicina paratur,
Dum mala per longas invaluere moras.*

Nec remedium sub initium his est aptius, quam 1. frequens recursus ad Deum, & immaculatę conceptam Virginem. 2. Ad Superiorem, cui omnes internos motus ac miseras candidè, & sine noxia verecundia ac diffidentia, quam diabolus inspirare, & semper augere conatur, aperte debent; indeenim fane levamen sentirent, maximè si remedia ab eo suggesta in praxin deducere ſedulò allaborent. 3. Si, dum melancolicis humoribus ac phantasiis torquentur, non

ma-

maneant in loco , in quo consident , desides , & serpentem quasi in sinu foveant , sed contranitantur , alium locum , aliam occupationem quærant , inter quæ & est alloquium cum Patre aut Viro spirituali , utcunque omnes homines iis in æstu isto invisi sint & appareant , uno verbo facienti , quod in se est , Deus certè non deerit . Hoc infinitè potens , fidelis , misericors tibi promisit , qui tanquam infinitè verus ac verax dixit : *Cælum & terra transibunt , verba autem mea non transibunt.* Vide plura in reflexione præcedente de melancolicis . Demum ex quacunque demum passione , affectione oriatur tentatio , candidè aperire debes Provinciæ Præsidi , ad quos affectus vel peccata sis magis propensus , ut is ideo de loco , officio , aliisque tibi in bonum tuum providere possit .

PUNCTUM QUARTUM , QUINTUM & DECIMUM .

Circa constitutiones , regulas , institutum , zelum animarum .

HÆc vocabula , *Institutum , Constitutiones , Regulae* , bene intelligenda sunt . *1mo* , *Institutum* est terminus complectens reliqua , scilicet *constitutiones , regulas summarii , & modestiæ communes , item Decreta Congreg. Generalium , ordinationes , instructiones PP. Generalium , & Regulas particulares officiorum in Societate , quæ omnes ad finem vocationis nostræ in majorem scilicet Dei gloriam , salu-*